



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 20. De Verbo Dei.

[urn:nbn:de:hbz:466:1-60533](#)

DIES XX.
De Verbo Dei.

I.

VERbum Dei audire debemus. *Qui ex
Deo est (id est , prædestinatus) inquit
Christus , Verba Dei audit : adeoque Verbi
divini audiendi studium , juxta mentem
Servatoris certum Prædestinationis si-
gnum est. Propterea vos (Verba Dei) non
auditis , exprobrates Christus Judæis , quia ex
Deo non estis. Hinc meritò dixeris fasti-
dium Verbi divini audiendi Reprobationis
esse signum. Verbum æternum carnem
humanam assumpsit , ut salutem æternam
nobis afferret , eamque per Verbum ten-
porarium nobis attulit : Verba mea , inquit ,
Spiritus & vita sunt. Sic Apostolus verbum
Dei appellat Verbum salutis. Christus Do-
minus in mundum venit mediatoris fun-
cturus munere , Deoque nos reconciliatu-
rus : sed reconciliavit nos per Verbum ;
hinc etiam Doctor gentium id appellat
Verbum reconciliationis. Salutem con-
sequi non valemus absque fide : sed Ver-
bum Dei cordibus nostris fidem infert.
Gratia instrumentum est ad salutem no-*

*Posuit in
nobis Verbum
reconcilia-
tionis.*

2 Cor. 5.19.

*Quomodo
crederent ei ,
quem non
audierunt .*

Rom. 10.14.

October.

stram necessarium: Sed modo Prævidentiae divinæ agendi ordinario Deus, qui gratiam justificationis, quam in Baptismo accipimus, aliquibus aquæ guttis committit, gratiam ad bonam frugem redeundi Verbo Dei affixit. Verbum interius, nempe gratia plerumque conjunctum est Verbo Dei exteriori. Si Magdalena Verba Christi non audisset, peccatrix mansisset, Deus Conversionem divi Augustini affixerat prædicationi S. Ambroxi. An non & tua affixa est huic concioni à te neglecta?

II. Verbum Dei audire satis non est; sed id bene, & ut Verbum Dei audire oportet: *Gratias agimus Deo*, dicebat S. Paulus fidelibus Thessalonicensibus, *sine intermissione, quoniam, cùm accepissetis à nobis Verbum auditū Dei, accepistis illud, non ut verbum hominum; sed sicut est vere, Verbum Dei, qui operatur in vobis, qui credidistis*. Si persuasum nobis esset, Deum esse, qui nobis loquitur per os concionatoris, quemadmodum ipsemet id affirmat, quanta cum reverentia id non audiremus? Legato alicuj Principis sui nomine loquenti idem habetur honor, qui ipsimet haberetur Principi, si is præsens adesset. Concionatores, inquit Apostolus, legati sunt Chri-

1. Thessal.
10.

*Qui vos aui-
dit, me au-
dit* *Luc. 10.*

v. 16.

*pro Christo
legatione
fungimur.*
2 Cor. 5.

Christi. Anne levitas illa, qua quidam *October*, laborant, traducendi, criminandique concionatores, convenit cum illa reverentia, quæ IESu Christi legatis deberur? si Verbum audimus concionatoris, veluti Dei Verbum, cum attentione id audiemus. Annon homo aliquis, cuj Rex loqui dignaretur, animadversione dignus esset, si illi dorsum verteret cum famulorum aliquo confabulaturus? an nos minus rei sumus, si mente in Verbo Dei, quod audiimus, sponte abstractam, frivolis, & forsan malis rebus occupamus? cor est, ad quod concionator loquitur: *Ponite in cordibus vestris.* Inquit Servator. Si cor, praesente corpore absens est, quomodo id Verbo Dei moveri potest? denique, si verbum concionatoris, ut Verbum Dei, consideremus, tum id cum docilitate audiemus. Imaginemur nobis, Patrem æternum nobis æquè, ac discipulis Christi dicere: ipsum audite. Hic filius meus est, qui loquitur, hunc audite, huic credite.

III. Non satis est, Verbum Dei bene audire, sed fructum ex eo capere oportet. Hoc est divinum illud semen, quod ipse Dei Filius in corda nostra spargit, ut fructum centuplum ferat. Væ tritis illis viis, animabus videlicet dissipatis, in quibus

October.

ne quidem germinat semen , à diabolo, qui cordibus hisce dominatur , ablatum. Væ terris illis aridis , & proin sterilibus , hoc est , cordibus inconstantibus, quæ una, eademque die elabi sibi patiuntur bona proposita, quæ concione animante concepere. Væ terris illis, quæ obsitæ sunt spinis, semen Patris-familias suffocantibus , cordibus nempe, quæ bonis terrenis immoderatè addicta , aut mille frivolis implicita sunt negotijs , quorum amore negotium salutis penitus negligunt. Verbum meum, inquit Servator, vos judicabit, si ex eo frustum non capiatis: Verbum meum , inquit per os Prophetæ, non revertetur vacuum: sed effectum suum certissimè habebit ; si cor vestrum non emolliat , tum illud obdurat ; si vos non reddat justos, justitiam certè meam manifestabit , vos verò condemnabit. Ah ! Domine , si Verbum tuum semper est efficax, saltem efficax non sit ad pariendum effectum tam funestum.

Examina te super amore , quo Verbum Dei prosequeris , & super modo , quo illud audis , & quos progressus ex eo facias.

Qui ex Deo est, Verba Dei audit. Io. 8. 47.

Tu laudas tractantem , ego quæro facientem. Aug.

D I E S